


東廬存稿

特260

450



始



450  
260



東應存稿





小照

乘鷹存稿

伊勢 大野德孝著

男 德風編

少年行

少年豪氣似太阿光鋌閃鐵可劇羨彼六國帶相印欽他三尺  
斬白蛇那王洪業聞得熱比侯雄圖見來多荆棘固非鸞鳳栖百  
里空嘆青春過父言我亦弱冠離墳墓跋涉天下名山河時不利  
兮違心事僅守容膝安樂窩望汝成報効志業不負辜清世恩波  
開智須記依師傳進德勿忘在切磋母言乃爺任俠重氣節家道  
式微又輒軻連霄雨到患漏屋對面風急遡潮艤親子四口只汝

賴強勉遂不誤登科聞說異鄉風土惡小心養生遠病痾聽之低  
頭不仰見幾回欲起還蹉跎感慨填胸弗肯語神明昭昭豈有他  
拜辭出門淚滾滾憐見弟妹追阿哥匹馬鞍頭風漸瀝征人衣上  
雨滂沱行路難處屢回首縹緲故山碧嵯峨男兒立志晨念誦業  
若不成夜吟哦天邊雁叫轉驚異始知烏兔一擲梭書窓雪堆長  
惆長偏恐爺孃雙鬢皤身入都門歲月改口脫土音語調和誰想  
翼翼漸磊磊寧知鐵腸日銷磨演武場中避勞苦講文壇前厭煩  
苛遣却慈母手中線紅帽金鈕護謨鞞花開山閣加酒味月上江  
樓湧絃歌桃李巧笑氣馥郁嫦娥妙舞影婆娑借問長安少年子  
當年意氣今如何

偶成

寂然不動千秋靜虛靈弗昧萬春晶比叡之山加茂水真個心朋  
余與卿

送別

七歲間關未肯歸舊都履遍向王畿王畿紅粉高千尺勿使狂風  
污錦衣

離愁

巍巍叡岳千秋秀涓涓鳴流萬古清翩翩鳳舞宕王廟躍躍龍騰  
將軍瑩大字燎邊彤宮出白川遠處辟雍成四十幡幡恬兼恃六  
百俊髦弟與兄習習祥風滿槐市祁祁甘雨潤羣英羣英如苗勃

然起槐市似田百穀菁誰想一朝霜露降藝園萬物顏色驚神樂  
岡頭西風急空見落葉飛縱橫憶昨蜂房小窓中與君論史氣凌  
空上下三千幾男子東西古今少英雄仰天殊憐豐公志打案偏  
稱時宗功洪業堪欽比斯馬顛沛休說那破翁賦詩吾擬加來爾  
論道君許倍伊公或伴孤燈中宵坐格物窮理義不通元分引錐  
兼嘗膽豈恐蚊雷與凍風殘月西山恨易落旭光東嶺嘆忽紅又  
有輕裝排曉氣芒鞋踏破四山雲嵐峽晨訪花爛漫比良夕登雪  
紛紜宇治橋頭新雨霽天王山上夕陽曛一乘境幽處士居長樂  
苔厚先生墳時被胡茄破殘夢投筆執銃從行軍君乃南兮我乃  
北魏貅半千兩陣分白巾壯語嘲烏伴黑帽放言噴鷺羣竹樹密

邊砲烟起兩山蹙處喊聲聞猛虎突進如驟雨獐龍掩擊似疾颼  
劍戟映日目爲眩殺氣衝天血欲流征行飢甘藜藿食長途渴掬  
路傍溝禾藁籍地代褥被矮屋投身擬玉樓霹靂晴空衣笠麓電  
光良夜金城頭戎衣雨潤吉野夕鐵兜風冷飯盛秋枕戈夢穩香  
世界橫槩詩成洞庭州隊伍整整校旗護威風凜凜凱歌謳或振  
瓊棹企遠游端艇蹴波追浮鷗唐崎松兮片田鴈長濱浦兮竹生  
洲豐碑空傳志津嶽斷礎難認安土丘五日行程七十里琵琶湖  
上正一周歎息當年杖履跡寂寞永惹壯士愁無限感慨植豫樟  
任他無人謠甘棠

第三高等中學校解散紀念樹碑文

明治二十七年改稱第三高等中學校曰第三高等學校在校生徒散學於四方者數百人教官轉任者亦不尠矣臨別植一樹於校門之東邊留焉以爲紀念相謠云無涯感慨付櫟樟豈將遺愛擬甘棠實七月十日也

題嶽水會誌

洛陽絕勝古今鳴春色秋光好勸觥音波素練祇園雪鷹尾錦楓  
嵐峽櫻前朝青史供花月當年能事在詩評三十一言判寵辱金  
谷斗數競輸贏相醉將酩宰亦酃藤顛平倒源也傾源平盛衰花  
開落相將代謝月虧盈法性寺趾何所見西八條第肥蕪菁金閣  
忽破半霄夢銀臺長弔暮鐘鏤桓武雄略包六合象天法地關九  
閼甍貅如林武德殿蠻夷重譯平安京乃祖曾致匪躬節兒孫徒  
慕風流名橋變枳兮江南北居移氣兮真堪驚誰執百練般若劍  
俱斷千歲舊染縈孰將砧砧仁義砥與琢昭昭智臆瓊索友山誓  
海盟社負笈神樂岡頭鬢門對寂然不動相窻映虛靈弗昧明飛

奕嶽兮鵝毛水蘭契神交我與卿巖巖卿爲王城鎮滾滾我洗翰  
墨瀛君不見方今萬國事戎馬弱肉強食獸相爭人道公議直爲  
曲堅艦利砲邪復正又不見由來泰西尙推理格物致知極微精  
叱咤雷電縮覆載驅役鬼神捕音聲明治洪謨凌延曆皇威早旣  
被八紘教學勅降人同志折衝策成民皆兵鎧袖纔觸崑崙震龍  
旗狼籍周鼎輕右掣烏拉峯頂鷺左牽太平洋上鯨鯨窺鷺窠不  
輒動危機單髮維鈞衡須鑄和魂資激彈好鍛健筆擬刀槍富國  
強兵非二道修文講武唯一誠勿謂弱冠尙年少邦家元氣在書  
生

學生出獵行

四山雪壓狡獸飢餓裏肉生壯志悲半夜聞鷄蹴友覺月前起舞  
影參差萬籟無聲天地死溪流不動飛泉漸銜枚挺進探虎穴呵  
手蟻附攀懸崖角弓鳴處洞怪石紫電閃邊斃猛獅謹呼湧兮山  
嶽震中原鹿兮獲者誰

觀盛寒演武途上口占

破冰拂雪嗽寒泉落落雄心步曉天電獨半空光爛爛替人睥睨  
滿城眠

隊征行

爽氣滿郊馬亦肥書窻偏恐辜此機投筆忼慨嘆脾肉執銃踴躍  
慣武威胡笳響時曉霧闌校旗翻處朝嗽暉斜仰大極殿轟轟前



望將軍塚巍巍蹴上阪兮相關嶺澗步健脚疾如飛琵琶湖兮滋  
賀里攻守進退期不違石山月照鐵衣冷三井鐘隔寒雲微禱食  
夙發大津驛二隊魚串打出磯行經大谿相分離砲火忽開山科  
岐北軍陰風捲土起南軍猛虎負嵎窺塵揚高矣須設伏鳥驚舉  
矣且勿追前奇後正彼掩襲左旋右轉我驅馳一雌一雄半日鬪  
一開一闔十里坡彈丸竭矣無謀出殺氣滿矣難自持吶喊突貫  
山嶽震兩陳相擊血欲滴短兵急接間一髮休戰喇叭劈耳吹恩  
讐忽遣三寶院開襟談笑二軍師渴極冷泉恰甘露飢來乾飯亦  
濃滋諄諄評了攻守略洋洋唱出凱旋詩六藏木幡萬福寺宮商  
角徵羽裡之晚風河畔弔帝子落日橋頭泊宇治可憐老將留恨

地堪欽壯士亂流騎喜撰嶽兮雲漠漠鳳凰堂兮月遲遲回想浮  
沈千古事中夜不眠枕幾欵乃跑水烟向伏見綠水青山一路夷  
千仞突兀金城閣万頃渺茫巨椽池池是心胸閣氣宇宛然至今  
見雄姿奮髯四百餘州駭舒眉六十四州怡比君赤手創洪業秦  
皇漢武亦小兒比君桃山極土木阿房昆明亦徒爲當年榮華一  
場夢瓊殿玉樓空口碑休論叟叟成敗跡恐被呵呵豐公咿香廟  
藤祠幾回首稻荷通天秋色奇淡海城州三日道金風玉露小春  
驕清世戎行自風韻爲錦楓所送迎歸明治己亥十一月正是初  
八第三時

隊征雜咏四首

滋賀里

一片苔碑野艸間誰知禁闕舊區寰  
秋風織錦村頭暮腸斷煢然  
皇子山

宇治

遺恨千秋展扇芝邦俗指樓艸曰芝今假用  
芳名萬古亂流騎鳳凰堂畔金風夕  
落木蕭蕭立水涯

偶成

壯士慨然老將嗟露營深夜聽琵琶  
四絃挑發千年恨餘韻想看  
嫩葉笳

伏水城

秦殿堯階齊一空世間何物是無窮  
桃山寂寞君休怨別有口碑  
歲歲豐

嶽水雜咏

其一 演說會

唯我獨賢意氣揚歷詆羣雄與百王  
巧喻子細折堅白機辯縱橫  
說富強論臻佳境拳擊案睥睨拍手震滿堂  
生憎寸鐵冷評矢射隕高壇小蘇張  
一敗休歎舌尚在六國相印任君佩

其二 野毬鬪技

彼乃東派此西流汝有怪棍我魔毬  
毬道變幻直又曲棍擊自在  
高與不狡兔脫網忙來往雲雀突天迷  
去留正正奇奇巧攻守九

戰贏輸只一籌甲越元來好敵手加餐底界無二友

其三 端艇競渡

爆然一響水烟開知是雙鯨蹴浪來  
鱗搏空明電頻閃四邊喊呼  
山嶽頹神手彼許操舵術健腕此期兼  
人材誰圖航路殆垂盡狡  
兔忽被處女魁想見宇治渡頭爭千古  
同調壯士情

其四 柔道

滔滔男子化中幸有斯道維士風  
壓窻冰雪裂肌曉滿腔熱血  
汗爲紅雙龍弄珠幾追逐二虎爭肉  
決雌雄地上斑斑印大字空  
際頻頻見輪蓬小何悔兮大何賴  
運用妙存齊力外

其五 會誌

嶽色水光氣氤氳釀出錦心繡腸芬  
麗詞絢爛百花苑奇想奔騰  
三伏雲才藻私淑廬峯雪餘韻獨聞  
古池漬豈做李杜韓歐體寧  
創明治昭代文請君試把冊子投  
果然有金玉聲不

學年來

學年來矣學年來稜帽三線絡繹回  
舊都草木顏色改芳里塵鋪  
愁眉開膝堪容兮我城郭躍可躋兮  
誰樓臺金光寺畔新涼起神  
樂丘頭松韻催多謝羈亭翁與媪  
孩視異日卿相才

答水野法學士

駐劄德國日本使館水野書記官  
法學士也曾學於我校  
頭角嶄然才名夙聘數舉于壬辰  
會理事健筆縱橫議論

風生頗爲儕輩所推重近從栢靈寄一書書意惻款切說  
舊情難諉且添以寫景帖喜賦以答明治三十五年二月  
陽春白雪少知音靈腕爲誰鼓瑟琴遐矣北辰是吾憶深矣積水  
是君心寄來鴈信數行字說得十有九年忱真情堪掬寫景畫神  
魂恍惚遊珀琳尖塔劈雲知寺觀飛仙擁屋識紫禁勃彈橋上轂  
擊過武欄門頭肩摩多金閣炫燿菩提陌銀臺浮動濕麗河無端  
携手公園裏偉人碑底幾嘆嗟  
麥酒三杯談舊事爲君低誦一曲歌忽見家人呼將覺紙窗寒月  
影婆娑

送田留學生回于清國序

田留學生名駿豐忼慨之士也儻莠有氣節今年初夏清國兩廣  
督府選派學生二十餘人留學日本西京以田爲領班均於第三  
高等學校受業其日語則余爲之教授一班之於學問熱心異常  
盛夏三伏不廢肄業頗見進步之著矣一日余在教場認田有憂  
色問曰有病麼答曰沒有然余疑不釋此夜招田詰之田太息曰  
我有一個刎頸朋友姓祖名繩武是中國一道員與駿相交久共  
遇患難他的才情是我最佩服的在岑督幕下他亦算頂好的了  
去年他在廣西打仗再三約駿同去而我未能去其後他在廣西  
匪徒服其威德投降者數百人闔境綏安然近來因有誤會之事  
舊匪再叛祖君引責用槍自斃駿昔年與他共事所以我心很對

不住他我聞訃後卽時寄信于岑大人請假兩月要送他的靈柩回籍以盡我心不知岑大人能准否他的寡婦孤兒現駿與幕府朋友寫信商議共湊集若干之金以爲養資此事既不耐衷傷尙有一事不可忘於中者何也廣西匪徒不知何日能平生民肝腦塗地駿尤心痛焉岑大人待我甚好受德至深現在他的病未瘳炎天瘴地親往打仗駿豈忍旁觀乎書窓之下百感蟬集中夜不眠者連霄遂蒙先生垂問慚謝交至辭氣愴惻言言出於肺腑頗感動人余聽之不覺潤襟謂曰男兒尙意氣念所以報於恩盡於友者而不得憂心忡忡固其所矣雖然田君再思小不忍則亂大謀祖君之自斃殉節岑督之強病打仗任情而思之則固不容旁

觀由義而斷之則決不准輕動人人有職分有境遇從其境遇所要求見其職分所應爲而進退去就是蓋係緊要中之緊要者君豈得不自重乎我國維新之前後亦屢次有內亂當彼薩南之亂方萌之時有一書生游學東京他元來荷西鄉大將之殊恩者(西鄉維新元勳中第一等之人物比諸伊藤山縣兩公更爲先輩)不忍坐視大將否運廢學回薩大將不喜喻之曰汝盍務爲國家大器徒殉私情無爲也去矣去矣速去矣不許復見生勉強遵命揮淚而去再學東京後遂爲帝國海軍有數名將現任第二艦隊司令長官上村中將卽是也君亦非可以做乎雖然兩廣薩南事情不同君年齒君經歷亦與當時上村夔異安知不有他日需才喫

緊而岑督召君之時乎田曰先生所教寔是絕大道理駿當欽佩爾來月餘一日學校課後田突如來訪喜色滿面告曰剛纔有岑督電飾由楊欽使函達曰廣西行營需人調留學生田差遣云云并呈出楊公使代請退學之公文余曰今則可矣立刻可去也曩日所以止君者恐殉私情也今日所以促君者欲成公義也既有岑督之命豈容躊躇乎聞岑督向有弔祖君之辭曰弔友非弔將哀汝亦哀民其爲公爲公痛惜不措之情可見也今者召君安知非以後任擬君君之此行責任非輕切望小心大膽勿有違算田曰差遣之事未定雖然先生教言自當欽佩余曰近據上海新報所開廣西匪勢似漸衰者如何田曰廣西之匪實是難辨現在亦

非匪勢之必衰也但岑督已到則匪徒自然逃避岑督東回則匪勢復必盛矣然該匪元來沒有大志不過爲飢寒所迫之流民無法謀生故作匪耳所以駿擬到廣西後要請岑督設法安置貧民則匪勢自衰若夫徒事攻殺仍是自己殺自己國民而亂恐尙難平也余曰至論至論衣食足知禮小人窮作亂古今東西同一其揆故設法救濟固是最大切要矣但言之不難大約無耻之民妄厚施之則却釀成懶惰之惡習所以古來達識者救民之術專在授產卽或拓新地或起土木或設造廠使貧民得食於其勞則民有產業國有鴻益亦是合於孟子欲井田之意但此等之事需款必多不知如何辦法田曰廣西荒地過多礦亦不少其濛江一帶

固有石礁所以商務未盛廣西地方之貧其因專在此也去年岑督已有意開通濛江一達桂林一達南甯惟因財政未裕且亂尙未平故未動手作之惟駿之意謂雖爲財政困難但廣西軍務籌款不少以一半平匪徒一半開濛江此江如開去石礁可以行小大輪船商務必盛尙不爲難旣開濛江又令開廣西荒地則貧民漫漫便有執業匪徒自漫漫而少但此事須要二三年方能有頭緒然有頭緒卽是久遠之計矣余曰旣有岑督威望之隆翼之以君等幕僚之熱心與才幹必有大可見之效果余當刮目俟之也嗚呼余見君來未滿半歲然早認其質之美與情之醇操之堅與才之熟恂不耐愛敬公則爲師弟心私視爲忘年之友誰想相見

之喜極短而相別之悲忽來雖然人間萬事塞翁馬孰得孰失誰是幸誰不幸未可輒斷也孟子曰天將降大任於是人也必先苦其心志勞其筋骨餓其體膚空乏其身行拂亂其所爲所以動心忍性曾益其所不能安知今日之事亦不爲君運命大發展之前驅乎田曰離合有命成敗難期雖然駿而不死豈空朽者乎會折田校長聞田回國贈以和泉守來金道作一刀田感激不措直拔之斬空者三忼慨淋漓揮淚興辭乃送至停車場立談之間得一詩云相逢何晚別何遄落木蕭蕭秋暮天只願桂林春到後東山携手話當年遽爾瀛笛一叫只望殘烟迷漠耳正是明治三十七年十月十日

示某節酒辭

酒可節兮酒可節節酒懦亦烈飲勿過兮飲勿過過飲聖也桀賓之初就筵左右秩秩列威儀抑抑整肅然如心結一盃眉始開二盃耳漸熱三盃笑語湧四盃賓主褻五盃競高吟六盃弄長舌七盃又八盃童殺漸出穴九盃又十盃屢舞足躑躅君子忽小人怯者暫勁傑勁傑輒使氣氣盛時雨血醒來如何情中心轉如噎壯志爲挫敗雄圖爲蹉跌獻酬必百拜古人節酒訣此訣不易行寧若斷麴蘖噫君總角稱神童夙夜耽螢雪貢名拔儕輩文章凌先哲一朝親盃酒長鯨百川竭玉山夜夜頽金甌日日缺弟妹泣吞聲親朋交欲絕養口與養神是非良知識盍振般若劍截斷嗜慾

繼君子過能改心情見高潔丈夫斷必行精神比金鐵克己須及今再聞名譽秘

絕句四首

偶成

斷酒斷烟又斷茶獨怡真樂箇中加頭童未識老將至顧眄尙驅脚踏車

少年

落落元期俠骨香青山綠水是我鄉何須齷齪說殤壽生是封侯死冥生

其二



匆匆烏兔彈丸轉碌碌耻吾學尙淺宿習課終欲曉天又繙世界  
偉人傳

其三

不蜚不嵬幾秋春雌伏養生又養神鵬翼他年九天上俯看燕雀  
浴埃塵

斷腸詩

霜露悽愴深秋院遺稿展來幾掩卷憶起嫋嫋蒲柳身氣骨稜稜  
眼如電言動早脫少年態謹厚常持老成見孤村僑居避繁華破

窻焚坐親筆硯金玉愛重諤諤論蛇蝎擯斥鶯鶯傳鶯鶯傳即是西廂  
記蓋暗斥時流浮

靡小千載抱憂日忡忡古詩云人世不滿百常抱千載  
憂言志士為世之抱負遠大也萬里思親宵戀戀英

奇當年鳳之雛卓礫他日邦之彥彥美士也  
美善也哀猿叫時落山月寒蛩

咽處去堂燕燕來月明豈無期是子逝兮何日晒昔時相視尋常

事今日一一淚如霰糺林夕兮神橋晨神橋蓋荒神通大學及高等學校之  
衡路朝朝所見何物想是三線稜角

帽帽絡繹而其中獨少是子雷社頭糺林夕好幽愛靜之士課餘逍遙之人今  
尚不乏而獨少是子而加茂水流潺潺濺濺不為愁人留少時欲不悲得乎空見鳧水

長濺濺英魂彷彿尙下饗斷腸詩篇為君薦

此詩為哭大野大學生而作也學生名政成予友大野金三  
郎君大

阪控訴院判事長子也資性敦厚與人敬與友信頗為儕輩所

推重肄中學於名古屋學大學豫科於第三高等學校明治三

十六年晉于京都帝國大學法科無幾得病休養于須磨年餘

遂不起矣其友佐藤大學生佐久間大學生等相謀印刷遺稿

以頌同志來需一言于予予於成公則爲師私則爲執又爲保人而其情則不殊叔姪在校之日課餘暇晷屢次來訪其所談非慨世憂國之論則必哲人君子之前言往行矣未曾毫及市井鄙俚之事端正容儀質直面貌今尙活躍于心目而其人則亡矣哀哉今見遺稿追懷如湧感傷不禁斷腸之餘賦七古一篇以代時羞之奠焉明治三十九年十一月

杉井樓上卽事

岩佐法學士爲日本銀行勸查部長巡察關西地方之行務一日來校訪折田校長及予等曰僕卒業本校以來殆垂二十年今至母校校舍既非舊今之京都帝國大學之

地則第三高等學校故宅矣舊師亦極寥寥誠不堪今昔之感也京都幸有麻生日本銀行支店長林第百銀行重役兩學士在焉今者三人相謀欲邀請舊師各位開一夕之宴冀諸先生枉駕貴臨皆諾及期至者折田校長前川高橋林和大井及予等五教授計六人也獨鈴木校醫則有事而不至于時明治四十一年五月某日矣宴酣興旺歡聲滿堂堂財政界之重鎮忽爲當年頑狡之少年在校中之珍談奇話紛湧雜出予乃戲疊顏字爲十二韻起身朗誦舉座鼓掌岩佐君更永聲吟咏之一過鼓掌盛起麻生君曰先生謂僕等鬚髭爲漆黑然誰想近來漸次交

白頭使人懊惱不堪今日至此之前亦窈對鏡面拔去之者數本矣呵呵大笑林君曰先生離愁長篇載在壬辰會雜誌最末號僕能暗記卽朗吟數句遂及客中爲客客心驚山色水光奈舊盟春夜他年墨沱雨夢迷台麓鴨涯鬢之七絕薩音怒張悲歌忼慨宛然布帶短袴之舊健兒矣

十九年前君見吾吾髭如漆君紅顏十九年後吾見君君髭如漆吾蒼顏蒼顏漆髭忘年友含杯話舊交欣顏甲科第一登第日制服翼翼君和顏秋高馬肥行軍時佩劍錚錚君正顏婆心或不副壯志楚張雄辯君冒顏冒顏寧徵心腸潔光風霽月忽暢顏往事茫茫夢歟幻成敗算來互破顏多謝諸君天下士今夕枉爲阿蒙

顏興趣湧來杉井樓樓中樓外滿春顏雨餘新綠翠欲滴中有殘香弄怡顏如箇神交比何物鳧水良嶽照心顏

題于卒業生班小照

鸞邪鳳邪麒麟高才逸足國家珍弗知他日蜀山道孰是先登第一人

忘言七首

予與折田校長奉職于第三高等學校前後三十餘年矣今茲校長退官予亦辭職同人問予以三十年間之感想乃賦忘言七首以答焉

其一

山可拔兮海可翻生死不渝此心魂曾期志士在溝壑寧忘一朝  
喪其元休問三十餘年事多情欲語忽忘言

其二

君汲清流灌小園我負耒耜守其藩春風桃李花爛漫果顆纍纍  
秋滿盆休問三十餘年事多情欲語忽忘言

其三

君披草萊索泉源我運土石澆其沚池中金鱗於犖躍渾是鵬翼  
圖南鯤休問三十餘年事多情欲語忽忘言

其四

君燃紅葉温金罇我汲溪流煮菜根同憂豈啻骨肉親偕樂亦是

父子恩休問三十餘年事多情欲語忽忘言

其五

侃侃諤諤無卑尊磊磊落落容直論圭角我期他山石玲瓏君許  
揚州現休問三十餘年事多情欲語忽忘言

其六

昨喜芳艸遍郊原今悲滿目霜雪繁跋山涉水奈難再豪興壯遊  
何日諼休問三十餘年事多情欲語忽忘言

其七

吟咏優遊絕塵喧蝸廬容膝爽神魂雨過葦竹風一陳雲散碧空  
月半痕休問三十餘年事多情欲語忽忘言

自咏

人言知命不知命。白首冒險恐損命。我言耳順志尙壯。寸功可効豈惜命。朝致二命辭京洛。夕入南溟拜一命。一命勿言任不重。半千子弟親聽命。天下三樂猶得一好忘。老至酬使命。君不見萬世師表孔與顏。抱關擊柝或短命。又不見今古東西先憂士。轍軻落魄多薄命。命也由來不易知。窮通榮辱豈非命。况我滄海一粟身。也是朝菌蜉蝣命。天壽豈敢貳其心。修身須要安天命。舊都吟友請休咎。獨背風月亦是命。邊陲自有好侶伴。青山綠水樂餘命。

問洛陽舊知

不言之言天只知。無情之情會者誰。朝蒙使命夕卽發。豈暇刺刺

叙別離。孤劍飄然南溟上。幾度回頭望京師。山盟水誓三十歲。五十僚友千健兒。旅魂夜巡曾遊地。心目躍躍見風姿。君不記咫尺前林。雉俄舉金丸射鉤粟。生肌又不記我憑南窓賞佳色。君品名種傲東籬。又不記金剛峰高。人昏睡蚊攻蚤圍。渾不知又不記絕叫疾呼震戶。牖正是甲論乙駁時。又不記花晨月夕祝賀筵。天真爛漫笑嬉嬉。又不記靜寂如林。言必中君子中庸。玉無疵又不記微醺朗咏松。風曲曲折紆餘聽者悲。又不記大聲乘輿驚俚耳。睥睨四席獨自怡。又不記蘇張三寸予與卿。堅白也是誰雄雌。又不記超然逍遙廣莫野。呻吟面壁九年詩。又不記烏爭喬木。鷲襲森主客坐定至何遲。又不記阿吡丁當動梁塵。妙巧正是出天資。又

不記瀟洒桂林幾玉樹咸是異日百世師又憶年年輩出濟濟士  
發揮救世經國才又憶螢雪窓底出蔗羣機鋒縱橫脫囊錐又憶  
水擊鯨鯢陸犀象肉彈血雨爭捷旗作雲作雨予豈敢爲管爲鮑  
夙所寄寄語台麓鳴涯社休將遠客空相思一片尙餘稜稜氣天  
馬奔空不易羈夕嘯五臺山下月朝漱太平洋上漪漪濯塵腸風  
吹袂月照孤影親追隨

追慕詩 (悼折田前校長)

神陵藝林鬱茂昌輩出龜騏與龍鳳或呼時雨醫民瘼或舞朝陽  
呈國祥或負洛書尙雌伏或舉駿足高騰驥先生恬淡如不與無  
爲化育幾十霜一旦謙抑開賢路猶役老軀護舊痒豈啻慈母於

赤子慕愛戀戀何曾忘清節宛然冰玉潔神標恰似芝蘭香誰想  
溘焉捐館舍乘彼白雲遊帝鄉憧憬高風情千緒仰望遺影淚萬  
行蓋棺益顯偉人德五千弟子服心喪 大正九年二月二十四  
日

贈忘年畏友濱口君

本年六月加藤高明內閣之成也我第三高等學校校友而  
當官公要路者頗多曰濱口曰幣原曰伊澤曰下岡曰川  
崎曰土岐曰大平曰桑山等諸君則曾爲生徒者也若夫  
高橋農相與安廣南滿社長則曾爲校長爲教授之人矣  
同人或呼曰三高內閣出現亦不必誣也今者濱口大藏

大臣來都同人等相謀迎之於母校內尙賢館而共午餐  
席上賦之以贈焉大正十三年十一月二十八日忘年畏  
友濱口君 雅正

眇眇松下村塾裏醞釀明治維新志濟濟第三高夔朋起任大正  
更始治折田先生松陰翁恨共不及見盛事當年僚友幾人存匪  
才僥倖生逢君書窓愛重三寸舌論戰縱橫拂千軍財政夙駕三  
猿智經綸豈啻春畝器切望公餘努加餐必全燮理陰陽寄休咎  
歡天喜地情感極泣兮遺老淚

隱居偶成

輓近世人夫婦同棲五十年爲金婚期以祝之蓋從西俗

也今茲乙丑則予與妻正值其期兒德風請張祝宴予曰  
勿急邦俗以緩賀儀爲延祚之妙訣望待予喜壽之辰而  
並祝之乃只賦隱居偶成八十八句詩以似兒及甥姪等

云爾

結髮爲夫妻北馬又南船形影何曾離同室五十年蒼顏與白首  
相眷互相憐往事如夢幻感慨似湧泉古稀予超五夔鑠健依然  
妻齡六十五蒲柳而瓦全獨子四十五人言庶孝賢娶妻舉五子  
成家東北天採鑛又起電經營鮮遺算不吝仰事資無缺俯養錢  
老爺何所願願心常無悁門枕鳧水渚窓對叡嶽巔江山爲伴侶  
富貴擬浮烟一覺塵外趣豈許名利纏物欲日耗損無復百慮牽

乘晴獨散策不論街丘淵天雨繙書帙何擇道儒禪觀月人定後  
賞花日出前擁爐詠飛雪欹枕聽杜鵑訝迂腐寧處傷俊傑隕顛  
舊友十無九存者亦多疾中夜孤燈下筐底探遺筆筆精妙入神  
殆窺右軍室或有四韻詩聯珠凌杜律或有經世文卓識賈生匹  
又有慨時言氣燄擬捫蝨使數子長生顯士又良弼奇才奈蘭摧  
煢煢獨含恤被惜與恥多天壽孰得失古往又今來脩短天機密  
世有三不久之論春寒秋暑又老健誰不追東流百川無陂堰只  
須樂今日不問明凶吉時春草木蘇氣和魚鳥逸悠悠古池鱗喃  
喃舊巢亂老懶座南廊貪與暖日呢爛漫山櫻花忽被飄風嫉稚  
孫摭落英嘻嘻上祖膝一猫制鸚躍二婢任爨膾眠食洵又安出

入何束縛性不嗜芳醇又無親茶杓常喫蛋麥飯時服整腸藥歌  
頌謝四恩詩賦刺五惡守分順於天行住有餘樂

晨洗金烏膏玉兔清澄渺漫無溷涸天潢恰是我皇仁長使蒼生

浴甘露



乘鷹存稿

乘鷹存稿終

昭和三年五月十二日印刷

昭和三年五月十五日發行

非賣品

編輯兼  
發行者

大野德風

岐阜縣吉城郡船津町  
三井神岡水力電氣會社社宅

印刷所

株式會社似玉堂

京都市柳馬場通三條南入

318

281

終

